

Na osnovu Odluke Vlade Bosansko-podrinjskog kantona Goražde, broj: 03-14-966/18 od 16.07.2018.godine, o davanju saglasnosti na Program utroška sredstava „Program podrške privatnim preduzećima i poduzetnicima na području Bosansko-podrinjskog kantona Goražde“ za 2018.godinu, utvrđenog na ekonomskom kodu 614500–Subvencije privatnim preduzećima i poduzetnicima, Ministarstvo za privredu Bosansko-podrinjskog kantona Goražde **o b j a v l j u j e**:

JAVNI POZIV

za dostavljanje prijedloga projekta za finansiranje iz Programa utroška sredstava „Program podrške privatnim preduzećima i poduzetnicima na području Bosansko-podrinjskog kantona Goražde“ za 2018.godinu

I Predmet i svrha javnog poziva

Predmet javnog poziva je prikupljanje prijedloga projekta za sufinansiranje iz budžeta Bosansko-podrinjskog kantona Goražde u okviru „Programa podrške razvoju privatnim preduzećima i poduzetnicima sa područja Bosansko-podrinjskog kantona Goražde“ za 2018.godinu, kako bi se stvorili uslovi za zapošljavanje, rast i razvoj malih i srednjih preduzeća, unaprijeđenje proizvodnje, infrastrukture i poboljšanje uslova za rad uposlenih, koji se nalaze na području Bosansko-podrinjskog kantona Goražde.

II Ciljne grupe

Na Javni poziv mogu aplicirati sva mala, srednja i velika preduzeća i poduzetnici iz prerađivačke industrije, građevinarstva, proizvodnih i uslužnih djelatnosti na području Bosansko-podrinjskog kantona Goražde koji ispunjavaju opšte i posebne ciljeve.

III Opšti i poseban cilj programa

Opšti cilj Programa je pomoć malim, srednjim i velikim preduzećima i poduzetnicima iz prerađivačke industrije, građevinarstva, proizvodnih i uslužnih djelatnosti na području Bosansko-podrinjskog kantona Goražde kroz podsticanje ekonomskog razvoja preduzeća.

Posebni ciljevi su usklađeni sa opštim ciljem Programa. Posebni ciljevi Programa su cilj 1. i cilj 4. i to:

(1) Razvoj malih, srednjih i velikih preduzeća i poduzetnika iz prerađivačke industrije, građevinarstva, proizvodnih i uslužnih djelatnosti.

(4) Podrška u izlasku iz problema prouzrokovanim smanjenim obimom proizvodnje, gubitkom tržišta i otklanjanju uskih grla u proizvodnji i poslovanju.

(1). Podrška za razvoj preduzeća planirana je za projekte koji uključuju aktivnosti na izgradnji, proširenju ili adaptaciji proizvodnih objekata, nabavci mašina i opreme u poslovanju, kao i poboljšanju uslova rada, sigurnosti na radu i zdravlja radnika sa aktivnostima na otvaranju novih radnih mjesta, zapošljavanju, održivosti proizvodnje i uposlenih radnika i drugih aktivnosti koji doprinose poboljšanju i razvoju preduzeća kao i prioritnog cilja koji se odnosi na jačanje privrede. U okviru razvoja preduzeća, obezbjedit će se podrška u implementaciji projekata i aktivnosti koje doprinose povećanju broja radnika u malim, srednjim i velikim preduzećima, proizvodnim i uslužnim djelatnostima. Podrška će se obezbijediti i za druge projekte i mjere koje ispunjavaju uslove i kriterije za ostvarivanje podrške u okviru razvoja svih preduzeća.

(4) Četvrti poseban cilj programa je pružanje podrške preduzećima u slučaju da problemi prouzrokovani smanjenim obimom proizvodnje, gubitkom tržišta i otklanjanju uskih grla u proizvodnji i poslovanju, mogu dovesti do ozbiljnijeg poremećaja na tržištu rada i smanjenju broja zaposlenih.

Podrška za izlazak iz problema prouzrokovanim smanjenim obimom proizvodnje, gubitkom tržišta i otklanjanju uskih grla u proizvodnji i poslovanju obezbjedit će se u vidu pomoći preduzećima koja imaju izrađen **program sanacije** na način i pod uslovima koji su definisani ovim programom.

Podrška će se obezbijediti preduzećima u prevazilaženju poteškoća koji nisu u stanju da bilo svojim vlastitim sredstvima ili sredstvima svojih osnivača, suosnivača, povjerioca zaustave gubitke što bi bez intervencije javnih organa u kratkom ili srednjem roku, gotovo sigurno rezultiralo prestankom njihovog poslovanja i gubitka radnih mjesta, te pomoć u slučaju poteškoća koje su prouzrokovane prirodnim nepogodama ili drugim vanrednim okolnostima.

IV Planirana sredstva

Planirana sredstva za provođenje Programa definisana su Budžetom Bosansko-podrinjskog kantona („Službene novine Bosansko-podrinjskog kantona Goražde“, broj: 13/17), na ekonomskom kodu 614 500– Subvencije privatnim preduzećima i poduzetnicima, u iznosu od 176.000 KM, od kojih se 146.000 KM planiralo za prvi poseban cilj, gdje bi se subvencionirala privredna društva po projektima, a 30.000 KM je planirano da se sredstva utroše za privredna društva koja su se našla u problemu prouzrokovani smanjenim obimom proizvodnje, gubitkom tržišta i otklanjanju uskih grla u proizvodnji.

Rbr	Poseban cilj	Ukupan budžet po komponenti	Minimalni iznos granta	Maksimalni iznos granta
1.	Razvoj preduzeća u prerađivačkoj industriji	146.000	0	50.000
4.	Podrška u izlasku iz problema prouzrokovanim smanjenim obimom proizvodnje, gubitkom tržišta i otklanjanju uskih grla u proizvodnji i poslovanju	30.000	0	15.000

V Korisnik sredstava

Korisnici sredstava mogu biti lica koja ispunjavaju opšte i posebne uslove programa, koji su uspješno završili proces apliciranja, selekcije i evaluacije i koji su uspješno rangirani za korištenje sredstava iz ovog programa.

VI. Pravo učešća

Opšti uslovi za učestvovanje u programu su:

- da su registrovana kao privredna društva shodno odredbama Zakona o privrednim društvima F BiH,
- da imaju registraciju na prostoru Bosansko-podrinjskog kantona Goražde,
- da u momentu podnošenja aplikacije imaju minimalno 3 stalno zaposlena radnika na neodređeno vrijeme,
- da obavljaju djelatnost na prostoru Bosansko-podrinjskog kantona Goražde
- da su registrovana minimalno 1 godinu od dana podnošenja aplikacije za učestvovanje u programu

Kada je u pitanju vlastito učešće u Projektu, apikanti trebaju naznačiti u kojem procentu učestvuju sa vlastitim sredstvima jer će vlastito učešće biti jedan od elemenata bodovanja u skladu sa Programom.

VII. Odabir korisnika sredstava

Sve dostavljene prijedloge projekata u skladu sa odredbama Programa, procjenjuje Komisija imenovana od strane Ministra za privredu Bosansko-podrinjskog kantona Goražde.

Nakon provedene procedure apliciranja, selekcije i evaluacije, najbolje rangirani prijedlozi projekata će biti odobreni nakon što Vlada Bosansko-podrinjskog kantona donese Odluke u skladu sa odredbama Programa.

VIII. Obavezni prilozi

Aplikanti su dužni dostaviti prijedloge projekata i zahtjeva (prvi i četvrti cilj) u formi koja je propisana od strane Ministarstva za privredu Bosansko-podrinjskog kantona Goražde. Forma za dostavljanje prijedloga projekata, zahtjeva kao i Program utroška sredstava može se preuzeti sa internet stranice www.bpkg.gov.ba.

Uz prijedlog projekta, aplikanti su obavezni priložiti:

- Sudsko rješenje o registraciji sa svim pojedinačnim priložima;
- Uvjerenje o izmirenim obavezama od poreske kantonalne uprave;
- Uvjerenje o izmirenju obaveza PIO/MIO sa podacima o broju prijavljenih radnika;
- Uvjerenje o izmirenim obavezama od Uprave za indirektno oporezivanje;
- Uvjerenje da odgovorna osoba u posljednjih 5 godina nije osuđivana u sudskom postupku za kršenje zakona u smislu poslovnog ponašanja;
- Uvjerenje da nije pred stečajem ili likvidacijom;
- Izvještaj o finansijskom osiguranju (bilans stanja i bilans uspjeha za prethodnu godinu);
- Izrađen program sanacije (ukoliko se radi o zahtjevu za četvrti poseban cilj iz Programa).

Za ona privredna društva koja imaju Ugovor o reprogramu dugovanja, mogu dostaviti važeći ugovor o reprogramu sa odgovarajućom potvrdom da se ugovor o reprogramu dugovanja poštuje.

Uvjerenja nesmiju biti starija od 6 (šest) mjeseci računato od dana podnošenja zahtjeva, a kopije Uvjerenja i drugih dokumenata moraju biti ovjerene.

IX. Podnošenje prijedloga projekata

Prijedlozi projekata sa traženim priložima se dostavlja u zatvorenoj koverti na adresu: Ministarstvo za privredu Bosansko-podrinjskog kantona Goražde
ul Višegradska 2a, Goražde 73000,

sa naznakom: za Javni poziv za odabir korisnika sredstava po Programu utroška sredstava „Program podrške privatnim preduzećima i poduzetnicima na području Bosansko-podrinjskog kantona Goražde” za 2018. godinu
„NE OTVARAJ“

Rok za dostavljanje ponuda za **projekte** je **8 dana** od dana objavljivanja Javnog poziva na službenoj stranici Vlade Bosansko-podrinjskog kantona Goražde, oglasnim pločama Vlade Bosansko-podrinjskog kantona Goražde i Ministarstva za privredu Bosansko-podrinjskog kantona Goražde i sredstvima javnog informisanja. Krajnji rok za dostavljanje projekta je **25.07.2018.godine** u 16:00 sati.

Krajnji rok za dostavljanje **zahtjeva** za korištenje sredstava je **10.12.2018.godine** u 16:00 sati.

X. Ostale odredbe

Sa kandidatima čiji se projekt-program prihvati, Ministarstvo za privredu će potpisati Ugovor o implementiranju dodijeljenih sredstava, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Sve dopunske informacije vezane za poziv mogu se dobiti svakim radnim danom,putem telefona broja 038/228-640 od 08,00 do 16,00 sati ili u zgradi Ministarstva za privredu Bosansko-podrinjskog kantona Goražde.

Broj :04-14-1186-5/18
Goražde, 17.07.2018.godine

MINISTAR

Anes Salman